

大清光緒三十一年
二月十八日共兩張

本館開設上海三馬路
蘇州揚州漢口杭州
一應大埠均設有分
館以便就近購取

申報

西歷一千九百五年
三月廿三號禮拜四

告白刊例
論前告白一十字以碼多則以
十字遞加每日每字暫取刊資
洋銀一分後幅長行告白二百
字起碼短行告白五十十字已碼
多則均以十字遞加刊資仍照
向例

外埠照遠近酌加寄費 上海每張售錢二十文 第一萬一千四百六十七號

本館發售蘇州本日報廣告
本館蘇州當日報停發已久今年整頓報務擴充報章在蘇州闔門
都亭橋添設分館於本月十六日起重發蘇州當日報准午後到蘇
逐日飛寄風雨無阻祈購報諸君鑒之

張靜蓮 本名備亦名醫善辨諸病有起死功尤長兒科已驗陳謝伯欣沈梅伯璧少甫項臣葵席子佩金劍花諸
公送登報端現承治者因進大門門就診不便請途雙日寓寶善街通濟公棧應診公酬儀三角出診照例單
日及 日午前仍在城內寓中門診 寓通濟公棧同人公啓 戊戌

福州參燕號擇於二月念二日開張 本號開設英界拋球場南坐西朝東三層樓紅洋房自
新開福州參燕號擇於二月念二日開張 運吉林大山八參高麗野山別直運毛白官燕關東
毛角鹿茸東西洋參細花銀耳燕窩玉桂北洋鹿膠天牛野朮真貨包退還洋什商賜顧請認明本號圖記庶不致誤 戊戌

怡和昌布號新增加洋貨抄莊擇於二十日開張 本號開設英界大馬路十有餘年專
賣企大呢羽毛哩噠時花絲光席法泰西綢緞一應俱全倘蒙貴客惠顧價定克己以廣招徠
貴客大呢羽毛哩噠時花絲光席法泰西綢緞一應俱全倘蒙貴客惠顧價定克己以廣招徠 戊戌

拍賣馬匹驢子 啓者今定禮拜五西歷四月七號即華三月初三日奉意大利國駐札天津之憲兵統領之令在天
津拍賣馬匹驢子 津拍賣馬匹驢子 津拍賣馬匹驢子 戊戌

上海葉天德堂藥鋪 本堂開設上海美租界中虹橋東坐北朝南石庫門內自甲辰年六月二十日先行
新開葉天德堂藥鋪 本堂開設上海美租界中虹橋東坐北朝南石庫門內自甲辰年六月二十日先行
藥酒香料細藥均承遠近紳商許可惟癸卯年所虧虎鹿鹿膠諸膠須待陳足三年至丙午冬方可出售亦無不精益求精慎之又
慎茲擇定本年二月初十日開張伏思遐邇 貴客諸君本堂之名不辭跋涉而來所以本堂藥價無論遠近一體格外從
廉以副諸君雅意凡 仕商賜顧者須認明本堂號為記庶不致誤 戊戌

聲明招盤 新開橋北首南梅園大昇德花公司因股東意見不合因將引擎輪船花車房屋大棧房等一切生財
聲明招盤 俱全招盤 貴客合意者請至觀音碼頭順興里生源金記金號問徐德雨君可也 戊戌

蠻民惠鑒來示敬悉所
言極是良深欽佩請示
居址以便致書

電傳 上諭 ○二月十六日內閣
抄奉 上諭岑春煊奏特肅庸劣不職員弁一摺
廣東惠州協和平營都司高葆光性成粗鄙逞忿
毆人水師提標中營儘先都司葛邦宏嗜好其深
營務廢弛督標中營營官武進士馮占魁私心藐
玩任意侵挪前委綏遠中營儘先守備廖文光年
力衰老營務廢弛前委中路續備軍補用守備賴
來年力頹唐緝捕不力均著即行革職水師提標
補用游擊張桐遇事招搖貪劣有據補用游擊蔡
仕祥畏葸無能營務廢弛北沈鎮左營守備黎玉
麟貪利營私縱容匪類水師提標左營儘先把總
葉茂青縱容勇丁橫行勒索前委常備左軍後營
選用縣丞沈著明顯預備輕信妄殺前代中路
續備新營左營拔補千總黃廷潤所部勇丁頂
名冒混均著即行革職永不叙用並不准投効他
營葉茂青沈著明情節尤重均著發往軍台効力
贖罪以示懲儆餘著照所議辦理該部知道欽此

諭旨恭錄 ○二月初四日奉 旨湖
北鹽法分守武昌道著馮汝驥補授四川成都府
水利同知著敬祺補授甘肅寧州知州著黎丹補
授江西瑞昌縣知縣著葉在鑾補授四川石泉縣
知縣著米種補授甘肅靖遠縣知縣著傅曾熙補
授截取舉人杜肇祖著以知縣用宋席珍著以知
縣用趙繼曾著以教職用鑾儀衛筆帖式著聯瑞
補授廕生椿壽著以文員用毓書著以七品筆帖
式用善厚著以侍衛用泉麟著以旗員用長順著
以文職用禮科給事中著承平補授兵科給事中
著左紹佐補授擬補山東道監察御史杜彤著准其
補授截取刑部郎中胡玉麟戶部郎中張允貴俱
照例用俸滿宗人府理事官麒振著外用吏部考
功司員外郎劉元弼補授所遺主事著趙廷珍
補授 補陝西廣濟庫大使沈榮著照例用京察
列一等之缺廣濟庫庫大使沈榮著照例用京察
加一級欽此

電傳官門抄 ○二月十六日 召見軍機
張百熙

論中國練兵之宗旨

練兵何爲哉立於外交界之後則足以伸張其國權立於工商業界之後則足以推廣其利權十九世紀以來歐洲各國所以籌餉備兵製利器造軍艦亟亟焉惟日不遑者皆爲此二者而已其餘則雖無兵可也是故各國之常備兵費往往達數千百萬以上而民之慷慨樂輸者從未嘗稍有吝色以爲無兵則國權不得伸張而國內之安寧將不能永奠磐石也無兵則利權不得推廣而國外之營業將不能日有起色也因是民債之鉅雖十倍於吾華捐稅之繁且三倍於吾華而民不厭其苦國不憂其貧蓋交相資而交相利也此稍讀四史者皆能知其原理者也

今中國之練兵何爲也哉海市開禁以後從未嘗有外交之實力在無事之時猶不能保其固有之權在他國有事之時且不能守其中立之分而欲以此訓練不完全之疲卒輾轉於歐風亞雨之中謂能張其國外之權力是必無之事也則其無益於今日之外交界可斷言者也中國上下隔絕之弊至今不除雖政府日日言保商而一紙公文便謂盡其保護之責兩字專利已若竭其提倡之能而益之以商情之渙散工作之不精向不能抵制進口之貨更安能推廣出口之貨則其無益於今日之工商業界又可斷言者也便謂因前此者之失策將以練兵爲補救之計則章高元固著名之宿將乃德國一據膠州而章即驅逐他往矣華工亦吾國生財一大宗乃美國擅行禁例而華人裹足不前矣昔之時固未嘗無兵也今日之練兵吾不敢謂愈於昔日之練兵也然則中國之練兵固何爲也哉

記者曰中國今日之練兵是不過防家賊也耳我朝入關之初八旗子弟之威聲雖震蕩乎全國而究以漢兵之功居多數一旦倒戈反向爲患堪虞故若京口若汕省若南京等處皆有旗兵駐防而京師之旗營尤夥其意以爲萬一有事則徵調迅疾不難掃蕩而鎮平之也今旗兵之老弱疲已人人知其無用而各處會黨又有蠢蠢欲動之勢乃不得不訓練新軍爲有備無患之計雖然練兵則必須籌餉籌餉則必取之於民取民之財而曰吾將練兵以防汝等之不服壓制不受專制政體之束縛何異盜入入室曰爾以錢與吾吾將購利刃以殺汝豈猶有慷慨樂輸者哉則吾見其有歟怨而已或曰否否近日西北一帶邊釁迭告關外各地俄人又屢犯中立而德法諸強國且日以威迫之手段攫我內地之主權練兵之舉所以拒外人而保利權也然則甲午以後未嘗不曰言練兵何以旅大威海東三省等處相繼割喪政府諸公雖明知疆土之日削而終以勿開戶費爲一定之方針是明知其兵之不足以禦外人也馬車號開精銳雖不必與俄人挑戰如購買糧食等事何不可強行攔絕而政府必嚴嚴之使無一毫之生氣德人在揚子江流域肆行橫暴咄咄逼人封疆大吏往往含羞忍辱以幸保無事爲上策是又明知其兵之不足以禦外人而自保利權也嗚呼昔之時未嘗無兵也今日之練兵吾不敢謂愈於昔日之練兵也然則中國之練兵固何爲也哉固何爲也哉

日本不認觀觀非列賓

○二月十六日日本大阪來電云今日日本早接美都華盛頓電音謂駐美日使乃辨日本並觀觀非列賓之譯字林內報

俄艦隊將仍回波羅的海

○二月十六日倫敦來電云俄波羅的海艦隊由馬達加斯加起程往他處之舉衆人之意以爲所擬往者仍在波羅的海其故係因俄政府向漢堡亞美利加輪船公司所雇之船出口時滿裝煤炭以接濟俄艦隊而所到之處並無一定方向且目下英船裝載貨物前往日本毫無忌懼之心則是無阻礙之處可知也

駐英日使之意見

○二月十六日倫敦來電云駐英日使伯爵林東在英京聲稱目下日本並不和議和之意即有此說亦必須俄國先行起議日本及他國不必徒多議論也又有人詢問林使謂將來是否將俄人逐至哈爾濱之北林使答稱此係陸軍之職分惟就私見而論日本頗能行此軍策也

德皇將赴北非洲

○二月十六日倫敦來電云德皇不久將赴北非洲摩洛哥國探奇蓋思畢海口此消息傳出後衆人頗爲震動蓋法國近日曾派專使前往摩洛哥勿時都城所有要求並未如願摩洛哥王因特請德國保護以抵制法國故德皇有此行也以上譯太晤士報

日本派員至歐洲議借國債

○二月十七日倫敦來電云日本國家銀行副總辦前往歐洲商議國債現已行抵倫敦據云日本擬在英美兩國借貨新國債并聞德意志荷蘭瑞士比利時各銀行亦皆願借銀與日本惟一切辦法現尚未定

俄將願留滿洲

○二月十七日倫敦來電云據俄京消息柯魯拔托金將軍願留於滿洲爲俄軍第一隊之司令官電云俄國現調兵至東方之事以便與日議和時固其所保守之地

俄將密遞軍報

○二月十七日倫敦來電云滿洲俄軍總司令官林義維樞大將由戰地何處遞軍報至俄國不爲外人所知但揣想其地必在松花江上游俄現正運兵向彼處故也

英后暫駐哥埠

○二月十七日倫敦來電云英后欲赴葡萄牙歷現暫駐於西班牙之哥埠因西班牙及葡萄牙海境現有大風險也以上譯文匯報

俄提督離馬達加斯加之故

○二月十七日柏林來電云俄京傳來消息謂羅斯提斯開海軍提督離馬達加斯加島即向東而行因該島近有疫癘故也現聞數日內即將與俄第二艦隊會合

德皇赴摩洛哥之意

○二月十七日柏林來電云

德報謂德皇前往北非洲摩洛哥探奇蓋思海口並非欲干預摩洛哥內政與他國國事惟望摩洛哥政府及他國深知德國在摩洛哥應得財政利益須與他國相同

法遣海軍赴委

○二月十七日柏林來電云法國遣海軍一隊 往南美洲委內瑞拉國以保護在該國之益利

普臣辭世

○二月十七日柏林來電云德國聯邦普魯士內務大臣普魯士身故以上譯德文報

關外鐵道之開通

○自新民屯經溝幫子以達營口間之鐵道現已由日本決定開通擬於十一日汽車開行以便轉運譯大阪朝日新聞

滿洲新總督赴任

○二月初十日新簡滿洲總督趙爾巽將與日公使第二次會議情形上奏 太后諭以本月十五日馳赴奉天新任并面訓辦理之宗旨三事一須保護奉天陵寢禁地二救恤難民須處置適當三須與日軍協商不使地方騷擾又諭以增祺無能難勝善後之職任汝至奉天後一切責務須相度機宜盡心辦理云云奏對約二時之久趙爾巽退出後於政務處復與慶親王王文韶瞿鴻禨機榮慶等會議慶邸又勉以將來遭遇日俄和平之時於滿洲善後統治上能事事敏察先機方為不負此大任云

俄兵占踞蒙古

○十一日午後二時外務部接庫倫大臣之長文急電內有謂俄軍自貝加爾州經蒙古之恰克圖以達張家口現已實行其占據此係重大之交涉問題不敢不報 以上譯大阪每日新聞

李侍御奏請防閩

○李侍御灼華以俄國波羅的海艦隊東來中國閩粵海疆頗為緊 因上封奏請派重將以防閩海

電請照約賠償

○外部照會日俄兩國欽差大臣為照會事據盛京軍尹電稱日俄踰越戰界駐兵於中立之地以致商民震恐歇業等因前來特此照會貴國欽差大臣兩國駐兵如不得已我中立之地或有傷害將來戰事和平當照約賠償

駐美梁使電述日俄和戰事

○駐美欽差梁鎮東使使日前有電來京言俄國必俟獲一勝仗之後方肯言和我國此刻亦非難設法祇可待 俄兩國戰憊然後體察情形辦理而已

請派專員考察軍政

○練兵處以現值朝廷講求武備之際所有各省軍制操法器械已經飭令整齊畫一以資聯絡茲擬每於春秋二季由練兵處奏請欽派大員輪往各省認真校閱其一切軍制操法器械情形即由該大臣分別考驗隨時咨報不得虛應故事以副 朝廷力圖自強之至意

札改官報 漢口 漢口日報館現奉張宮保札飭改為湖北官報司候官報按旬出版後將日報亦改名官報以歸一律向須遴

派司道大員督辦云

楚報將開

漢口開設楚報館已紀前報聞該館係在橫濱開設著名某報館之馮姓所開三四月間即可出報惟鄂省當道咸皆側目不識將來能免干涉否

委員查驗賽會物品

○今年比國亦有賽會之舉南洋大臣暨商部均准駐比公使咨照飭商務局劉觀察世珩勸諭殷商備辦貨物前往赴賽一月間將貨物齊集滬上聽候查驗給照啓行又據去年賽會美國各商電呈擬即由美赴比觀察以夫會售賣所餘恐非佳品諭以回華之後或另行置買或就貨改良再行運比現各商已由美回華各屬貨物亦將到滬觀察查有機器工藝局委員查大令鍾泰夙能考究商業爰札委赴滬查驗各商物品大令已稟辭就道矣

火藥廠附鑄銅元

漢口 漢陽兵工廠附鑄銅元 早誌前報茲聞另有機器廠部附於無烟火藥廠內業已布置周備准定下月初間即可開鑄

日本教習毆辱學生

貴州 貴州貴陽縣師範學堂有東教習三人向不住堂前月日本據遼陽後某教習忽爾致學生謂我軍戰勝非常歡躍擬停課三日稍停又來一函謂此事乃我國非常慶典學生何不前來慶賀殊屬非是宜速派二人來舍飲酒云云諸生接函大譁即公復一信略謂遼陽乃中國之地本國不能自爭煩貴國代爭甚為感謝理宜走賀但此事既為貴國慶亦不得不為祖國悲今日乃學生飲泣之日非飲酒之時也此信去後教習大怒即遣僕力索為祖國悲之學生當面問話學生因舉書某寺三人前往不料入門之後教習不問情由即揮拳痛毆學生無奈逃歸稟知總理請教習到堂理論乃教習反執手痛罵謂教習有管理學生之法律學生抗命不來致賀屬有罪已況我國代中國恢復故土學生即宜代表政府來賀今學生如此是日無中國政府是無國家思想揣其意將以革命二字為傾陷學生之罪案也學生見其無可理喻只得相率散歸聞教習已聯結貴州全省日人謂此事如須教習認過將全體解散以為挾制地步云

潮汕鐵路案賠款定議

京師 潮汕鐵路滋事一案現已議定給卹款二萬五千元賠款十五萬元業經立據矣

潮汕鐵路善後章程

廣州 潮汕鐵路案現經溫觀察擬定善後章程六條稟陳督撫憲照錄如下 一公司募勇三百名專任保護公司工人工料工廠及工人寓所之責凡在工程上做工及往來內地工人及載運公司工人工料之船隻均由公司酌派護勇沿途捍衛全護勇需槍械援照粵漢鐵路辦法由省城軍械局撥借備用俟工程告竣如數繳回如有損壞照價賠補應需子銀由公司備價請領 二凡路線經由之地段無論有無墳墓房屋

須與原主商妥經原主親領地價還費完畢方許開工造路所有
地價還費房屋價不得與旁人包領代領 三凡路線經由之處
所需之地段業經購備領價完畢原主並無異言惟該處人民以碍
風水為詞須由公同另開水眼藉資宣洩不至淤積為止 四所有
購地還費彈壓帶勇等委員差須派府廳州縣人員充當因職分收
崇隨時隨事可以與地方官直接往來所有佐貳及紳士概不派委
五凡路線經由之處如無碍墳墓房屋而該處人民以有碍為詞
須購地委員會同地方官親詣勘明並無妨碍即由地方官勸諭開
導如實有碍必須改線以免滋事 大鐵路必行之道必需之地業
主不得抬價居奇紳民人等倘敢藉詞聚眾阻撓借端生事應由公
司呈請地方官隨時查拿懲辦以儆效尤

會議重修貢院詳情

本報茲政務處奉 旨會議各員均以規復舊制為主惟庫款支絀
無從舉辦巨工刻有條陳欲於京外文武大員廉俸中報効若干成
以爲興辦要工之款倘仍不敷再由部中籌撥等語未知政務處如
何採擇也又聞本月初六日內閣衙門會集各員商議此事是日到
者係內閣學士李聯芳劉永亨各員說帖大略謂貢院宜修惟籌款
不易移兩可並無一定方針 按十二日本報紀有本廠商人劉
某願報効貢院工程與此互異兩存之以觀其後

江督電奏江淮分省事

廉訪於十四日接到江督周玉帥來函知玉帥電奏 朝廷痛陳江
淮分省利害四端請收回成命併請在徐海一帶設立將軍或提督
以資電攝已奉 上諭著政務部議覆矣

學堂教習不能免扣資俸

編檢等員因在署當差無甚進項遂多向本省謀學堂教習一席即
可由本省督撫專摺奏留并請免扣資俸遇有缺出仍可按名大叙
補誠爲計之得者日前惲學士特上條陳請嗣後翰林各項缺出一
律以在京供職之員按次序補其辦理外省學堂等員名次在後不
以恩免扣資俸等語聞部議亦大略相同不日當可覆奏矣

商部實業學堂推廣房舍

業學堂中擬添建樓房增廣學額並於端王府附近添造機器工作
等房刻已繪就圖式不日即須大興土木矣

洋務譯書局停辦

洋務局收支委員陳星午大令鈺稟請前署督端午帥創辦專譯英
法兩國書報每月領官款一千數百元不敷由陳大令自行籌墊局
中共延繙譯數十人出書約二三十種惟銷路甚滯自去年改隸洋
務局編譯科參議某太守頗倡裁撤之議因陳大令情願賠墊故得
勉強保存因教育普及社之案某太守復在大府前論及局中所
譯之書報不盡純正當道因委某至局詳查譯稿並飭暫且停譯
以節經費

寺僧搶毀學堂三志

○長壽寺僧毀學後紳

商等電稟京師商部及督學大臣日前省憲接准商部來電謂粵
稟准商務總局公立商業學堂在籍編修伍銓萃屢次庇僧阻學二
十三早督子弟糾長壽寺僧毀搶校具聞省公憤請查明電復以憑
酌辦云云兩院接電後札學務處商務局查明以便電復

振興木漆工藝

察蒞厦後以厦地木器粗劣價亦奇昂漆器更無人製造因擬在厦
創設工藝廠先將木漆二項精心研究現由福州雇來精巧木漆匠
數人并辦齊各材料招選良家子弟年十五以上二十五歲以下略
識粗淺文字者二十名入廠學習所需經費由保商局給發並委聯
鹽尹何二尹經理其事已於二月初五日開辦矣

移請免稅比賽物

藝局採辦各省物產陳列比賽出陳大令公度採購江西雲布紙等
類並考各案業情形飭令江西稅務總局移行各關卡查驗放行并
具報所購貨物如何稽查以杜混冒總局奉札後已令陳大令將所
購貨物名目件數開單持赴各局口查驗單貨相符方准免稅放行
等因移行上海道查照矣

蘇州商務局移各關道文

（爲比國賽會佔地事）

爲移行事案奉護撫憲效札開准署南洋通商大臣周咨准外務部
電開比國黎業斯賽會前咨行在案茲准駐比楊大臣電稱現造會
房究有幾商家自華來祈詢明地數等語希查明有無華商前往暨
該商須佔地段幾何即電以便轉達等因到本大臣承准此查此案
前准商部先後來咨均經咨行轉飭准辦嗣准外務部來咨又經札
飭江海關道移行知照各在案茲准前因除分電並咨行外咨會查
照轉飭查明見覆等因到本護院准此合就札局即便分移各關一
體遵照刻日查明詳候咨覆等因到局奉此查此案前商憲札同前
由即經轉飭蘇五府州飭屬查明有無商人前往賽會如願往者均
須佔地若干刻日覆局核辦在案迄今尚未據覆到茲奉前因除分移
外合就移會爲此合移貴關請煩查照飭辦施行須至移者

紀使日大臣楊星使查核華商改入洋籍辦法

略謂各埠華商近年改入洋籍者逐漸增多訪查其故或因積有資
財恐被本籍紳民尋事勒索或因往來貨物恐被各處關卡藉端留
難遂改入洋籍以冀外人保護此等風氣實於國體民情商務均有
關係當經札飭日本各埠領事官出示曉諭謂一經改入洋籍遇有
戰事家內親丁須充徭役而於中國內地例不得另置產業是改入
洋籍者獲益甚微貽累甚大實屬得不償失現擬一認真查辦之法
嗣後凡有華商欲入洋籍求中國領事官認明者務將以上事理照
切開導如不見聽即將該商改籍緣由據實申詳以憑咨明該省督
撫轉飭地方官將該商籍貫革除一面查明該商在內地有無產業
照例辦理備各埠華商積有資財欲回本國者儘可稟請本大臣發

申報第二張

晉撫張覆盛宮保正太鐵路

購地辦法電

購地各節已承照察公明敬佩惟函稱洋工程師查照直隸辦法志道與江守相同祇有復勘之責無購地之權等語查此路軌里晉地過直倍餘本重在晉志道係派購地查勘委員前出三街會示有志道無江守又奉尊處加札均有購地字樣此其職分案據迥與江守不同不得無購地之責具有明證工師又稱發價仍照舊章遇有爭執方驗紅契又稱紅契必須二十八年等語查會示雖有爭論驗契之說然稱查照民間通行價值從優發給地價必較紅契為優緣民間報稅向多減價照契實已吃虧然民間可無異言若照直隸辦法其價更減於紅契與會示所云從優發給大相懸殊況晉民尤為愚弱直民尚能忍受晉民未必敢爭官為作主庶期公信相孚可期省事至云二十八年前舊契則二十九年後豈無官民買賣斷無官民通同欺騙公司之理工師又稱發價可請志道監發查此事不重發價而重定價必須勘定路線之始議明購地辦法方為妥善倘工程司照會不辦法致有延誤晉才任咎統祈裁示為盼錄報

安徽全省學堂調查表

接十七日

舒城斌農學堂 書院改設 額正齋生五十名附

課生三十名 由紳設立 經費三千餘串

無為州繡溪小學堂 書院改設 額四十名 無

為州設立 經費一千餘串

巢縣

鳳陽府經世中學堂 淮南書院改設 額四十二

名 鳳陽府設立 經費一萬餘兩

鳳陽鳳臨小學堂 城內倉巷 額十五名 鳳陽

縣設立 經費一千餘串

懷遠高等小學堂 額十五名 懷遠縣設立 經

費六百兩

壽州高等小學堂 北門內循理書院舊址 壽州

錢設立 經費四千餘兩

蕪湖中學堂 正陽關小東門外蕪湖書院地基

額六十名 官紳合立 由鹽項下抽有二

經費千數百兩書院舊有一千餘串

靈璧高等小學堂 額十五名 靈璧縣設立 經

經費尚在籌款

定遠

宿州 額十名 原稟歸學務處兼辦

經學務處批駁 經費尚在籌款

阜陽聚星小學堂 書院改設 額二十名 阜陽

縣設立 經費四百兩

額上高等小學堂 書院改設 額二十名 額上

縣設立 經費一千六百千文

霍邱聚星小學堂 書院改設 額二十五名 霍

邱縣設立 經費八十千文

亳州柳湖小學堂 書院改設 額四十名 亳州

宗設立 經費一千四百餘串

蒙城高等小學堂 書院改設 額二十名 蒙城

縣設立 經費尚在籌款

渦陽陽義小學堂 書院改設 額二十名 渦陽

縣設立 經費尚在籌款

太和

按皖省八府五直隸州均設有中學堂外其

餘五十五州縣未行稟設者尚有十州縣其

十州縣之已經設立與否則不得而悉此表

係據稟報至學務處者也 又據徽屬人士

云徽州六屬已有四縣稟辦學堂然僅首縣

今正已經舉辦其餘則僅有此稟辦之文積

而已是耶非耶噫皖省學界如是如是

鎮江官事 ○調署南通州直隸州正任海州

知州恩廷補刺史芳前赴金陵謁見上憲茲事畢於

初九日返回海州料理交卸事宜然後擇期二十二

日赴通接印○江南提督楊鏡嚴軍門前奉江督周

玉帥電報赴省籌商防務機宜茲已事畢於月之初

七日乘策電兵艦駛抵鎮江小住戎旌即展輪東下

蘇州官事 ○十二日蘇藩臬示丹陽縣主簿

葉承霖署事期滿遺缺以試用縣丞姚雲又金匱縣

典史王銘沂丁憂遺缺以分缺先巡檢殷煥謨又江

陰縣典史姚紫宇期滿遺缺以試用巡檢姚祖詒又

委署丹徒縣訓導倪家鳳上臺繳札以長洲縣人試

用訓導吳光奇又吳江縣教諭趙壽禾病故遺缺以

陽湖縣人試用訓導傅成霖均堪輪委署理又寶山

縣縣丞唐正祥期滿遺缺以試用縣丞孫錫又奉賢

縣縣丞何煥期滿遺缺以候補尉經歷高彬又著青

浦縣縣司巡檢賈孝期滿遺缺以試用尉照磨

舒家驥均堪酌委署理

九江

○洋貨稅分莊水和等以糊口水釐局巡兵將完過陸路稅之貨攔截指為繞越稟請道憲核辦當奉批示各省設立水旱稅卡原為分徵商貨俾免偷漏九江運往景德鎮進口洋貨向既由陸起運歸四里坡地方早卡徵收自未便強令改途轉運紛擾今完過旱稅之貨該巡兵指為繞越殊覺過分畛域未顧商情惟究竟有無捏飾俟移會統稅總局查明核辦再行飭遵云○前紀瑞記洋行買辦伍理堂即吳麗堂虧空數萬金私逃一節現據九江慶昌隆錢店赴道稟控吳某虧欠銀六千兩逃逸等情奉批吳麗堂所出銀票五千八百兩既未兌付則該號發出之六千兩匯票自可取回作廢據吳某不知下落前票亦未收回應即自行知會厚大錢莊止兌所請立案候照會駐滬英領事及移會商務總會暨札行德化縣知照云云

重慶

○重慶一隅開化頗早士人於各項科學多有能識門徑者近又有日本人在城內石板街開東文學堂一所生徒學額共八十名○法國教堂向有鉛字排印書籍今添印一新聞名曰崇實報每禮拜一紙用洋連史半張售錢八文○巴縣小學堂向設於通遠門內蓮花池地方今遷至來龍巷渝郡書院內原有房屋改作師範博習所及醫學學堂

蘇州

○蘇垣居民食用皆以菜油故菜油銷場較盛就本城而言每日需三百五六十担目下每担價洋十三元五角荳油每日僅銷一百擔左右每擔價洋十四元至米糧一業去年虧折甚多今年閉歇者竟有十之二三刻下白米每石價洋三元五角黃米每石四元一二角糙梗每石二元八九角次二元五六角○本月初八日為紫陽校士館撫憲甄別之期是日題目為教以人倫義問為政之道上宜籌國計下宜恤民生至今日欲兩全之其策安在○省垣先農壇年久失修現經效中丞札委宗大令督工修理并開拓圍牆已於本月初八日開工從事矣

松江

○前日南鄉烟墩頭地方鍾姓與陸姓因提姦起釁互相扭毆陸婦越數日斃命當由陸之叔侄報請華亭縣孫花樓大令蒞驗後飭地保交凶而鍾已懼罪宵遁大令怒將地保答責釘鐘收禁一面派差王某姚某提圖董等來案又互相推諉大令乃拘原差王某之父釘鐘暫押待質所而將差夥李某答責三千板釘鐘收禁姚某亦答責四千板現圖董等已拘拿到案候訊矣○南鄉土梟自將瞎子阿云等次第嚴懲後地方稍稍清淨詎聞近日各處仍有糾黨販私支棚開賭者柘林左近爽港地方十根張某更於糾賭外復與武生沈姓為難本日沈乘府憲拈香回署時攔輿指控不知如何辦理也

禁止賽會

○日來浦東洋涇鎮塘橋及吳家廳等處有好事者糾集各會首擇於清明節前後迎神賽會為本縣汪大令訪悉恐釀事端先期諭知各該會首禁止舉行如違提究
○住居虹口念三保二圖之張王氏於本月十五

日病故由已嫁女張鳳英之夫成殮有族姪張根根阻收殮故經張鳳英投縣喊控汪大令著補詞候訊

水捕招搖 ○南市工程局水巡捕頭李某自接充後招搖勒索眾怨沸騰昨日又向各榮船徐阿來等勒索不遂拘押捕房後因洪阿秀等不服糾眾三十餘人到縣喊控

賭徒逮案 ○虹橋鎮十楊許永和等借設立燈會名目聚賭抽頭大為農民之害茲為本縣汪大令查知立飭幹差前往將許等拘獲候究

因痛跌斃 ○坭水匠蔡錫榮素患華痢前日午後至崑山路某號洋房屋頂上修理舊病復發從上墮下以致遍體受傷雖經送往同仁醫院醫治因所傷甚重即行斃命

上海官事 ○鈞和兵輪管帶馬樺軒遊戎昨至道署稟知即日起程押裝電燈機器前往鎮江○新任公共租界公堂委員屠與之別駕昨投道轅稟呈履歷○前福建興泉永道惲心耘觀察祖祠湖南寧鄉縣舉人周華笙孝廉榮昨均至道轅拜會袁觀察

訂期會訊佔地案 ○道達洋行在公共公廨控彭叙五佔地一案昨經原差將奉傳之見証人馬長根傳到要需委員孫明府商之德為門君將馬交保訂於今日二點半鐘會訊

會訊縱火圖賠案 ○小桃源鎮奴沈少卿縱火焚燒房屋串同保險揭客冒領銀兩由中和中庸等保險行投稟控請懲辦各情疊詳前報昨午午前經捕房將葛榮昌解案據被累之阿銀供稱自火災後未曾開帳後買辦蕭姓喚至協順祥烟間囑將葛榮昌開進之帳承認小女子以帳非我開不允後託雷蕭律師開一細帳送去供畢又經賀立克律師訊問阿銀供稱住沈少卿之房已經六月此

次是第一次托沈少卿保險焚去生財衣飾約值四千餘兩捕頭又問沈給爾之保險單是新是舊阿銀供不識字賀律師以此案尚須提沈少卿到案對質方可明白裏職委員孫明府以時已一句鐘遂相約退堂訂於下禮拜五再行覆訊

上海縣案 ○徐樹琦虧欠宏元等四米行銀洋被行夥陳期生等扭至工程局控追前日移解到縣經汪大令訊究陳期生供徐樹琦在西門外開設元成米店去冬十一月二十後向各行購米石頗多來及付價即于念七日逃逸小的行內被欠洋四百數十元陸松林供是同泰行夥被徐欠洋三百十餘元王文卿供是同發泰行夥於徐逃逸之日在伊店內車回米八石五斗外尚被欠洋三百七十餘元金恒卿供是萬生行夥被徐欠洋二百五十餘元徐供虧欠宏元同泰萬生三戶米洋數目無差同發泰刻亦倒閉小的祇欠洋二百九十餘元念七日小的出外措資王文卿金恒卿生履車來店將米一百三十一石盡行載去照算欠找無幾乞鑒大令斥徐所供無理掌類十下究問作何理償供實山家內有田地八畝情願變價折償大令判交的保險半月賣地繳洋須措一半餘再出立期票拔還

○施王氏控黃星海賴贖一案亦經復訊陳張氏供胞妹黃張氏去歲邀婦人到伊家內云施王氏欲聘伊女鳳香為媳央婦人作伐妹

夫黃星海時亦在場婦人因黃夫婦前在甯波結婚初時不允胞妹
言決不拖累始允作媒行聘施王氏曾出聘禮廿四元由婦人親
交黃夫婦收去今又欲圖賴施王氏供謂相同黃張氏堅稱並未將
女許婚實遭施姓捏誣大令喝令掌類五十下又訊黃星海亦不承
認許婚大令判黃張氏交媒管押黃交保如不願婚配先將聘洋限
十天繳案候奪○王克昌控被陳德順霸踞房屋經大令提訊王供
在銅錫公所爲司事前年同業買寡婦陳林氏房屋擬造公所後
因捐款不敷將房出租於陳林氏之夫弟陳德順去歲已將是房出
售於人陳德順霸踞不遷反唆伊嫂索加洋一百元爲此控究大令
判飾差押遷如違提究

巡局紀事 ○前晚南市二十三七鋪巡防局員施各孫二尹
之家丁帶同勇丁在南馬頭巡查旋在馬路橋堍乾昌小烟館內拘
獲賭徒二人正欲帶局請訊旋經央人懇情得即釋去○二十三七
鋪巡局員汪晉橋二尹前派勇役在途偵查流氓迄今未據查解爰
於前晚諭令各勇須在烟館茶肆嚴加偵察務獲解案不得私行縱
去如違重懲○前日道憲袁海觀察特傳浦東保甲總巡謝岳松
明府到轅詢問要公

馬路工程局紀事 ○前日華秀平黃連發在萬元酒店與陳
才生口角扭控捕房既而華等央人調處願賠毀物請免究訊捕頭
據情稟知馬路工程局總辦翁子文太守准予求銷飭具結存案備
查○烏山船戶祝生友等在十六鋪長興館充饌與值堂人口角互
毆控由捕房轉解工程局旋據祝等稟稱已央人勸安求請免究翁
太守飭具結存查○張阿三張阿二前因竊取李建堂家制錢二十
五千文經探捕查獲解局襄讓委員黃二尹判各責一百板管押昨
日命捕役帶去嗣後傳訊務即解案

公共公廨早堂案 ○魯麟洋行買辦邵清泰控西恩王進生
竊洋一百二十五元請究奉襄讓委員孫耳三明府會同英副領事
德爲門君研訊判戒責二百下發押改良所六月○怡和洋行管門
人控潘全生深夜圖竊判押捕房六月○姜金永先後竊取杜桂山
沈金福家綢布衣銀飾等物判責二百板枷十四天○王方氏徐阿
桂馮阿四等控張桂生竊取煖鍋烟燈竹牌木匠等物判責二百板
枷一月○萬金甫張小泉竊取江灣潘清棉紗判各責三百板○
永隆祥控周文林乘間竊取水烟管一枝判責一百板○祥春樓郭
金祥被張莊法竊取銅錫器及油衣等物判責一百板○姚隆興牛
奶棚主姚順嘉違章將和永牛奶出售由探傳案判押捕房一個月
○怡和絲廠控女工沈趙氏竊取絲頭判戒責一百下○應向金井
識甬人張銘如之妻張陳氏被張尋獲將應之衣服皮箱取去報由
包探將應張兩人與張陳氏及張之妻兄陳阿根一併解案判張銘
如不應擅取衣物責三百板餘均開釋○李阿四控邵榮富竊取烟
槍等物由解案判責二百板○某洋人控陳昌和在輪船上竊取
絨單五十八條將兩條送於陳阿法王阿寶兩人由探一併拘案昨
經該館管事尹小銘投訴前情判陳昌和押捕房三月餘人分別省

釋○王承慶在廣生輪船上竊取粵人陳錦州英洋五百元當場利
獲由探解究判責三百板押六個月○李合成控陸富榮竊取木板
六塊由探拘案判責五十板○華捕解陳龍生至案稟稱此人竊取
東洋車上舊鐵等物判枷一月○黃葉氏頭阿四竊取鄒阿卿之手
鐲棉襖等物昨日解案判責二百板枷兩禮拜○朱阿大控陳金寶
深夜圖竊由探拘案判押一月○去年英商伊德德控鄭湘漢騙取銀
兩昨日由保人將鄭送案判禮拜五再訊○馮招大控王甘厚吞沒
珍珠一百粒由捕拘案王供馮所携珠子祇有四百粒後小的看後
反說五百粒判所控無據一併斥釋○馮春桂控鈕阿二鈕氏誘匿
伊妻由探拘案判押候過堂訊核○包探寶如海送迷路小孩潘瑞
金至案判交差看管候出小招領

公共公廨晚堂案 ○前者美商光裕洋行控姚守臣冒收貨
銀迭奉前議員黃司馬會同美總譯官安立德君研訊判姚押候繳
銀已詳前報前晚又奉 諭孫耳三明府提比姚供小的並不欺挺
押實緣力不從心現在母親已經至湖州將所有家產盡數變賣不
日可以寄洋來滬明府判限禮拜四將洋繳案如違定罪不貸○昨
報紀迷路女孩施藕芬由探送案訊供著出不招領前晚孫明府訊
案時有廣東人黃錫之投案稟稱此係新買婢女前日購物出外忘
其歸路現求給領回去明府著具領狀領回完案

法公堂案 ○去年八月間顏料店主林記舖控徐德榮胡
子卿誣騙顏料洋一百數十元迭奉大令訊供押追嗣因胡寺在押
患病發背育堂醫治案懸未結昨日傳同原告將胡解案請訊胡供
小的雖與胡代林認識實未串騙林供拿獲時胡亦在場顯見串拐
求道大令判交保出外找尋胡代林並著病愈之後先交洋八十元
因原告不允著押候再核○耿才助去年冬月扭控徐伯熙吞沒仔
欸銀三千餘兩奉大令研訊押追嗣准保出理楚迄今無人具保昨
日原告投案求道大令提徐到案復訊徐供求准保出後變產歸還
大令准之○吳少齋因積欠某號米洋一百餘元延宕不還去年冬
月被控到案奉大令訊供押追迄今案懸未結昨日命提到案著具
結出外俟有就緒照數撥還○江北婦人董陳氏至魚船上縫紉行
竊衣服爲失主當場拿獲送案請究大令以原告不到著從寬開釋

南市捕房紀事 ○船戶施大郎張乾卿等合攆駁船一艘近
被張將私行賣去當經覺察扭控捕房捕頭令將船交水巡捕看
管候移解馬路工程局稟請訊究○陳阿土竊取胡瑞豐家棉被當
被扭獲控訴捕房請究捕頭令押候移解馬路工程局稟請訊究○
昨日午後十六鋪祥記碼頭順風茶樓門首倒斃一無名男子年約
四十左右身圍作裙形似鄉人巡街捕查見投報捕房候核
美捕房案 ○前晚有西人某甲因醉在兆豐路行兇爲捕拘
送捕房捕頭令押至酒醒時釋放○張銘如陳阿根行竊華記路某
姓家綢布衣服多件爲包探錢榮堂連贓查獲拘入捕房押解公堂
請 訊○前晚有酒醉一西人一在靶子路一在元芳路行兇滋事爲
華捕先後拘入捕房捕頭均令押至酒醒時放出

本公司奉閩省大憲詳准開辦通銷各票今第十三會
設一萬號全張售洋六元分為拾則每則售洋六角其頭二三
四彩新增末尾中彩按他處為多准於三月十五日在廈門太
史巷總公司開彩如貴客欲預領批發請移至上海南市老

天下馳名廣東陳恒德堂第一家始創犀黃珠珀八寶化毒丹○假冒甚多購者認明

花柳毒氣天下第一良方

服此丹而全愈者難以數計因此遠近咸知紛紛爭購可見方真藥正心口如一故能至此無論男女老少初起久染如患以上各症者速將此丹服下頃刻化毒去腐清熱止痛消腫生皮重者一大瓶除根輕者一中瓶包愈可保永遠不發至本堂藥內如無真正珍珠琥珀犀黃並各種和平上藥倘口是心非藥內若有水銀輕粉罪我惟天再有之從前誤服霸藥及五毒倒提外毒果愈而內患未潔積久其毒復發則上湧頭面下結腎囊甚至染毒絕嗣遺累終身至此悔之晚矣推原其故均以水銀輕粉和藥升提之法收功以致其毒收入骨髓餘毒未淨其害非淺如患此症而其毒尚未復發之先亦將此丹服下能將筋絡骨髓積年之餘毒一掃而淨所妙在燒包生男育女永無遺毒之患眞治一切毒門並能生膏之天下第一聖藥也每大瓶八元中瓶四元小瓶二元小半瓶一元○倘有男婦上下週身以及小便腐爛難以生肌諸醫束手各藥無效惟有內服犀黃珠珀八寶化毒丹外搽珠黃七寶拔毒生肌散大瓶二元小瓶一元可包仍復原形愈後能保永無後患也○函購信力自給○分設上海英大馬路萬康醫園對門德仁里內石庫門廣東陳恆德堂謹識

湖北籤捐彩票頭彩拾萬元二月廿八日開彩

本局奉 湖廣總督部堂 奏明開辦銷州戶
會贖設票五萬張每張售洋十元中彩共七千
五百一十一號計六張有零中彩一張以七成九

分零派出彩銀之高低各公司爲優准定期二月二十八日在漢口開彩得彩紅票憑本局對號軍核兌銀元本總局設在漢口鎮上海分局設在
埠往來信力票力本分局一概不付統歸自給○再得彩紅票如無本分局騎縫圖章及長方上海發局小印者概不收兌因無根可查也特此白

乙卯

廣濟公司接辦江南正副彩票

本公司江南義賑崇係奉 南洋商督憲奏奉 陳批首先創辦已逾六載誠實素著中外咸
欽今復蒙 憲諭正副崇務辦六年重訂綱章益從善以應 諸公惠顧之雅第七十二會
已於本月廿九日開彩第七十三會二月廿九日九點鐘在本公司開彩第二屆第一會設票

一萬張頭程二萬元定期三月廿九日仍在本公司開彩區票連期每月初五日二十日下午八點鐘止截如遲不候本公司正副紅票憑收兌此佈

初八日廿三日九點鐘開彩屆期
大憲委員新四區區長以上的大公名
乙 公 區

出售火油引擎

啓者今有最上火油引擎一架出售計馬力六匹一切零件俱備
購者請至南潯路第二十二號門牌虹口天主堂帳房面詢可也此
佈
甲 一 二

橫濱正金銀行上海分行新行鈔票洋圓

本總行創自光緒二十八年資本金銀一千八百萬兩
實金銀九百五十二萬元分設各國名都大邑咸有通交中國上
海天津牛莊北京分設亦已年久今在上海分行新行通用自一
元五元十元之鈔票洋圓銀票本國政府允行始於中歷十一

月初二日起以便行旅經商之一助其外各埠專辦銀行應有一切交易無不克已招接存款更竭誠
實久蒙中國達官易於通匯買賣交相稱贊本行格外精心研究接應
惠顧現由總行刊到
新式存單以及如某世
均用
華文
備中國仕商樂取便倬曉惠然顧隨者之用爲特布告仰
俯鑒如欲存款在積項總行冊者半年期息五釐長年期息六釐如存款期滿准在積項支取金洋
上海取銀亦可如在積項存取換算則以日本金錢交付隨時註明定價如在上海則以元錠銀價交付庶幾市面仙幣上落誠
貴客毫無耗耗以昭平允如欲存在上海
分行者長年期息五釐半年年期息四厘半三個月三厘半逐日往來二厘半以副交厚同文之來誼云爾其餘匯票押匯電匯承接周到有美悉臻如蒙
惠臨請至本會
分行而訂可也
經理人長崎部謹白
乙卯年

福源洋行告白

本領事與比國商務大臣密因好機門君商妥在滬五馬路開設福源洋行專辦比國頭等廠家鑲路材料軍裝機器五金雜貨玻璃鑲釘白鉛紫銅水泥馬鐵螺絲釘呢絨疋頭等貨兼辦出口信實通商在本領事衙門立案華商賜顧實為交為惠未週知特此佈告華洋各商此佈

駐滬比國正領事方德例告白 乙二二

涇縣黃田朱氏修譜

者我族支譜道光乙酉修後迄今八十年閱世生人閱人咸世子姓日繁耄成凋謝不誣爲聯合無論數典將忘傳收族散宗勢且無從稽者續修其可緩哉茲衆議遵守前例始自鄉賢公增輯世系表其不由成叔公推者悉支繁愈難蒐也所冀我五房裔下凡見此輟速將現在住址開寄江西省族子蒼朱公館小軌手收以便隨寄刊就條例俾各詳細

奏辦浙江協濟彩票附送副票減額增彩准期三月初五開彩

本公司自奉浙撫憲奏明開辦以來通銷各埠一乘至
公第三十八會票於二月初五營業開彩紅票已憑號

茂生告白

本行肥皂由本廠獨製選擇上等材料無論香皂宮皂條頭肥皂行銷中外推為第一人樂於用前有冒牌茂生早經稟請出示立案禁止冒牌現祇本行一家出售凡蒙紳商貴客定貨及購現貨者請至本行面議如在別家隱購茂生牌號貪圖漁利一經本行查出定當稟究法不姑寬

茂生具 甲 貳

榮華洋行經辦各處電燈啟

電燈一技創自泰西各國通都大邑靡不裝設誠火樹銀花昏夜恍同白晝也近來盛行中華卽如上海一隅而論行號棧家無不便捷樂用上無意外之虞敝公司細操電燈之勝故各處創設電燈由敝公司承辦居多如上海新馬路

工務局之電燈機器由敝公司承辦業經數載機器堅固光亮燦爛無異英法兩租界早在
上悅於是北京鎮江等處悉由敝公司購機裝設此外獨自裝設者如道勝德華兩銀口及客利番館所裝之燈莫不新奇奪目本公司因思電燈之利益尙厚將來必
有人在各處創辦本公司信有工務司常川駐行代客繪圖測量計算務使創辦者獲有厚利庶幾立於不敗之地敝公司又經理英國著名霜納克夫廠魚雷艇並專辦軍械
機器五金正鉅凡 官商賜顧請 移玉上海三馬路德華銀行間壁第十四號向本行面商可也 乙卯三
上海榮華洋行謹白

